



Jesus ons Verlosser leef! Ons reik uit oor alle grense.

15 MAART 2020

## GEMEENTEBULLETIN

STELLENBERG-GEMEENTE

021 976 4519 (kerkkantoor)

021 975 1044 (jeugkantoor)

021 910 3900 (feesmark)

021 976 8029 (SOS)

www.stellenberg.co.za

navrae@stellenberg.co.za

### LYDENSTYD

#### OGGENDDIENS

Vereer en verraai

Markus 14:1-10

#### DEUROFFER

#### BADISA TRIO

bied kinder-  
besker-  
mingsdienste aan  
kwesbare kinders.

Maatskaplike  
werkers bied sta-  
tutêre dienste aan  
kinders waar ver-  
waarlosing, mis-  
handeling, of ver-  
lating voorkom en  
plaas kinders soos  
nodig in alter-  
niewe sorg.

### EREDIENSTE

			15 Maart		22 Maart	
09:00	Kerk	Oggenddiens	Ds. Dietmann	1	Ds. Potgieter	2
09:00	Kleinsaal	Gesinsdiens	Ds. Potgieter	6	Geen diens	-
09:00	Kapel	Meditatief	Ds. Simpson	-	Geen diens	-
18:00	Kerk	Relevant	Ds. Ackerman	-	Geen diens	-
19:00	Kapel	Aanddiens	Ds. Visagie	13	Ds. Potgieter	11

### 'N WARM SERP/MUS TEEN R25

Die gemeentebreigroep brei volstoom aan musse en serpe wat tydens die winteruitreike aan minderbevoorregte kinders en bejaardes uitgedeel word. Van een bol wol @ R25, kan een serp, of twee musse gebrei word. Jy kan vanoggend 'n serp of musse borg, deur 'n bydrae by die breigroep se tafel in die voorportaal van die kerk of kleinsaal te maak. Bydraes kan ook per EFT na ABSA-tjekrekening, 145 058 0011, takkode 632005, oorbetal word, of d.m.v. SnapScan – gebruik SERPE as verwysing.

### OUERSKAP #102

Daar is geen handleiding, of graadkursus, om jou op ouerskap voor te berei nie. Ds. Jan van Zyl, leraar en betrokke by Stellenbosch Moeder-gemeente se familiebediening, kom deel vandag 15 Maart om 10:00 in die kerk praktiese riglyne oor hoe 'n mens ouerskap positief kan benader. Jy sal tydens die bespreking nuwe moed vir die groot taak skep.

Geen besprekings is nodig nie en toegang is gratis.

## JEUGDAGBOEK

- ANNIBRAND JUNIOR om 10:00 saam in graadgroepe.
- ANNIBRAND SENIOR om 19:00 saam in graadgroepe.
- BLISS vir jong volwassenes en studente Sondagaande om 19:00 in die komiteekamer.
- RELEVANT: Dis vir jong volwassenes. Ons luister 15 min. lank na 'n aanbieding en gesels dan saam oor die onderwerp. Woensdagaande 19:00 in die markplein. Kom drink 'n glasie wyn, geniet 'n versnapering en gesels saam.
- UITREIKE: Jy kan nou inskryf om deel te neem aan die uitreike tydens die Junie/Julie-skoolvakansie. Ons beoog om na Calitzdorp, Leeu-Gamka, Beaufort-Wes en Mavusa uit te reik. Volledige gegewens en inskrywingsvorms is op [www.stellenberg.co.za](http://www.stellenberg.co.za) beskikbaar.

## CORONAVIRUS (COVID-19)

Die kerkraad en uitvoerende bestuur is tans van mening dat ons volgens die bestuursplan van die Wes-Kaapse Gesondheidsdepartement dit nog nie nodig ag om openbare byeenkomste te staak nie. Eredienste en kategeese gaan dus normaal voort. Ons maak seker dat daar seep en papierhanddoeke in die kleedkamers beskikbaar is. Leraars en die kerkraad sal uiteraard op hoogte van veranderinge rakende die pandemie bly en besluitneming na gelang van die verspreiding van die virus in die Wes-Kaap, aanpas.

## FEESMARK 2020

Feesmarkaansoeke is nou oop. Doen gerus aansoek d.m.v. ons aanlyn aansoekproses deur [www.stellenberg.co.za](http://www.stellenberg.co.za) te besoek. Die sluitingsdatum vir aansoeke is Vrydag 20 April 2020.

## MET LEEDWESE

Ons neem afskeid van Hester Johanna Horne, gebore 01/12/1940 en oorlede op 08/03/2020. Hester was sedert 2002 'n meeliewende lidmaat van die gemeente en het vir jare onbaatsugtig diens by die Via Dolorosa-uitstalling gedoen. Ons opregte meegevoel aan haar suster en familie wat sy agterlaat.

## KATEGESE

### KLEINGROEPE

Graad 1: Jeuglokaal

Graad 2 en 3: Kleinsaal

Graad 4 - 6: Grootaal

Graad 7: Bover trek

Graad 8: Grootaal

Graad 9: Jeuglokaal

Graad 10: Kerk

Graad 11: Kleinsaal

### BREIGROEP

Kom op 6 April om 09:30 in die markplein bymekaar.

### GEMEENTENUUS

Stuur 'n e-pos na [sanel@stellenberg.co.za](mailto:sanel@stellenberg.co.za) om die Bulletin, Samaritaan en Stellenberger per e-pos te ontvang, of WhatsApp jou naam en selfoonnommer na Sanel by 083 611 4720 om die Bulletin en Samaritaan op jou selfoon te ontvang.

### PAASFEESKOOR

Die Paasfeeskoor oefen op Dinsdagaande om 18:30 in die kerk.

## LYDENSTYDPROGRAM

- Woon Sondag se lydensdienste by wat tot die Groot Lydensweek lei.
- Die spesiale lydenstydprogram begin op 1 April. Op Woensdagaande 1, 8, 15, 22 en 29 April kom ons in groepe byeen om 'n Bybelstudiehandleiding te bestudeer. Jy kan by bestaande groepe inskakel, jou eie groep met vriende skep, of by die weeklikse groepbyeenkomste wat in die kleinsaal aangebied word, inskakel. Die handleidings is vanaf 9 Maart @ R20 elk by die kerkkantoor te koop. Navrae: Ds. Potgieter 079 893 8104.
- Nagmaal op Donderdagaand 9 April om 19:00 in die kerk.
- Erediens op Vrydagoggend 10 April om 09:00 in die kerk.
- Paasdiens met nagmaal op Sondag 12 April om 06:15 en 09:00 in die kerk.

**Bybelstudiehandleidings @ R20 elk na die oggenddienste te koop, of deur die week by die**

## BYBELSKOOL

**Hoe is God vandag by ons? Die aartsvaderverhale.**

Die aartsvaderverhale in Genesis 12 - 50 vertel hoe God se nabyheid dié mense en hulle leefwêreld, te midde van korrupsie, familiekrisisse, ekologiese rampe, asook politieke en ekonomiese onsekerheid, geraak het. Kom reis in die vyfweekkursus saam met Abraham, Isak en Jakob en ontdek hoe nou verweef God in die werklikheid van ons daaglikse bestaan is.

Aanbieder: Ds. Marius Breytenbach. Datums: Dinsdag 14, 21, 28 April, asook 5 en 12 Mei. Tyd: 19:00-20:30. Koste: R30.

Inskrywing by Karin Barter 021 976 4519/karin@stellenberg.co.za

## HUISGELOOF VIR GESINNE

Gesinne kan weekliks Bybelstudiedagstukkie wat vir huisgodsdienste benut kan word, van die webwerf aflaai. Besoek [www.stellenberg.co.za](http://www.stellenberg.co.za).

## EDELWEISS BYBELSTUDIE

Donderdag 19 Maart om 15:00 en 15:45 uit Spreuke 20: Wysrede oor algemene sake in die lewe . . .

## GEBEBEDSGROEPE

- Vrouegebedsgroep Maandagoggende om 09:15 in die kapel.
- Asemskep-gebedsgroep Dinsdagaande om 18:30 in die kapel.
- Mannegebedsgroep Donderdagoggende om 06:00 in die kafeteria.

## GEMEENTENUUS

Stuur 'n e-pos na [sanel@stellenberg.co.za](mailto:sanel@stellenberg.co.za) om die Bulletin, Samaritaan en Stellenberger per e-pos te ontvang, of WhatsApp jou naam en selfoonnommer na Sanel by 083 611 4720 om die Bulletin en Samaritaan op jou selfoon te ontvang.

## **BASAARVOORSKOTE**

Handig asb. jou basaarvoorskoot met die proteas op by die kerkkantoor in. Ons wil dit graag weer volgende jaar gebruik.

## **GELEENTHEID NA LEEU-GAMKA**

Ons is op soek na 'n geleentheid na Leeu-Gamka om voorrade aan 'n kleuterskool op die dorp te besorg. Indien jy met 'n geleentheid kan help, kontak asb. vir Marelize Oliver by 083 261 4861.

## **VATVYF**

Ons kom op 18 Maart om 09:30 in die **voorportaal van die kerk** byeen om tee en broodjies te geniet. Teen 10:00 beweeg ons na die kapel waar ons na die interessante wedervaringe van Gert Uys, 'n vryskut-helikoptervlieënier, gaan luister. Toegang is gratis, maar bespreek asb. jou plek by Karin 021 976 4519, voor 16 Maart. Daar is plek vir almal.

## **UITREIK NA VOSBURG**

Sowat nege jongmense van Stellenberg-gemeente sluit vanaf 21 tot 27 Maart by lidmate van die NG kerk Onrusrivier aan vir 'n uitreik na Vosburg. Doen asseblief voorbidding vir die span en die werk wat hulle in die gemeenskap gaan doen. Die mense van Vosburg het die afgelope jaar weens die langdurige droogte geweldig swaar gekry.

## **GEMEENTEBESTUURDER**

Die gemeente beskik oor 'n vakature vir 'n senior bestuurspersoon verantwoordelik vir personeel, asook bate- en finansiële bestuur. Tersiëre finansiële kwalifikasie asook bewese ondervinding is vereistes. Diensaanvaarding: 1 Mei 2020. Stuur volledige CV voor 19 Maart om 12:00 na [stellenberg@stellenberg.co.za](mailto:stellenberg@stellenberg.co.za). Die posbeskrywing kan ook by die e-posadres aangevra word.

## **STELLENBERG ONDERSTEUNING- SENTRUM**

SOS bied berading en mediasiedienste deur professionele persone aan. 'n Kliniese sielkundige, spraak- en arbeidsterapeute, 'n besigheids- en lewensaf-rigter, asook 'n musiekterapeut se dienste word aangebied.

Afsprake kan tussen 09:00 en 12:00 by 021 976 8029 gemaak word, of skakel die sentrumbestuurder Rudolph van Schoor by 082 854 4530.

## **STELLENBERG-GEMEENTE**



**SNAPSCANCODE**